



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXXVIII. De Fr. Ord. S. Joan. Dei, ne admittant extraneorum favores pro
consecutione dignit.

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

ANNO
1729.

BENEDICTUS DECIMUS-TERTIUS.

ANNO
1729.

Datum Romæ apud Sanctum Petrum sub Anulo Piscatoris die VIII. Octob. MDCCXXIX. Pontificatus nostri Anno Sexto.

CCXXVII.

Revocantur, & nullificantur Ordinationes contente in quibusdam foliis Gallico idiomate impressis sub titulo - *Mandement de Monseigneur l'Évêque de Montpellier*, portant condamnation d'une feuille imprimée contenant un pré tendu *Office pour la Fête de Grégoire VII.* &c. Cum prohibitione eorumdem foliorum.

De revocatione similiu[m] ordinationum super eadem re ab Episcopo Metensi factarum, vide precedentem.

Dat. 6. Dec.
1729. An. 6.

BENEDICTUS PAPA XIII.

Ad perpetuam rei memoriam.

Ordinationes in praefatis foliis contente, irrita declarantur.

S. 1. CUM Nobis innotuisse in vulgo circumferri quendam folia Gallico idiomate typis impressa sub titulo - *Mandement de Monseigneur l'Évêque de Montpellier*, portant Condamnation d'une feuille imprimée contenant un pré tendu *Office pour la Fête de Grégoire VII.* Donné à Montpellier le 30. Juillet 1729. quam priores ex Venerabilibus Fratribus nostris Sanctæ Romanæ Ecclesiæ Cardinalibus, aliosque in Sacra Theologia Magistros ad illorum exāmen delegimus, qui post maturam eorumdem foliorum discussionem, quid sibi ea super re videretur, Nobis retulerunt. Auditis itaque memoratorium Cardinalium, & in Sacra Theologia Magistrorum Sententiis, de Apostolica potestate plenitudine, Ordinationes in praefatis foliis contentas, nullas, inanis, invalidas, irritas, artentatas, nulliusque omnino roboris, & momenti esse, & perpetuo fore tenore præsentium declaramus.

S. 2. Et si hilominus ad majorem cautelam, & quatenus opus sit, harum serie revocamus, cassamus, irritamus, annullamus, viribusque, & effectu penitus, & omnino vacuamus, ac pro revocatis, cassatis, irritis, nullis, invalidis, & abolitis, viribusque, & effectu penitus, & omnino vacuis semper haberi volumus, & mandamus; folia vero prædicta tam impressa, quam etiam manucripta legi, seu retineri tenore pariter præsentium, illorumque impressionem, descriptionem, lectionem, retentionem, & usum omnibus, & singulis Christifidelibus etiam specifica, & individua mentione, & expressione dignis, sub pena excommunicationis per contrahentes ipso facto absque alia declaratione incurenda, a qua nemo a quoquam, præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium valeat obtinere, omnino quoque interdicimus. Volentes, & auctoritate Apostolica mandantes, ut quicumque folia hujusmodi penes se haberint, illa statim, atque præsentes literæ eis innoverint, locutus Ordinaris, vel heretica pravitatis Inquisitoribus, tradere, atque confignare teneantur; hi vero ea sibi sic tradita illico flammis aboleri current; In contrarium facientibus non obstantibus quibuscumque.

Eorum re tentio inter dicitur.

Mandatur publicatio harum literarum.

S. 3. Ut autem eadem præsentes literæ ad omnium notitiam facilius perveniant, nec quisquam illorum ignorantiam allegare possit, volumus etiam, & auctoritate præfata decernimus, ut illæ ad Valvas Basilice Principis Apostolorum, ac Cancelleriæ Apostolice, Curiaeque generalis in Monte Citorio, & in Acie Campi Floræ de Urbe, per aliquem ex Cursoribus nostris, ut moris est, publicentur, illarumque exempla ibidem affixa relinquantur, & sic pu-

blicata omnes, & singulos, quos concernunt, perinde afficiant, ac si unicuique illorum personaliter notificata, & intimata fuissent.

S. 4. Utque ipsarum præsentium literarum transumptis, seu exemplis etiam impressis manu alicujus Notarii publici subscriptis, & Sigillo Personæ in Ecclesiastica dignitate constituta munitis, eadem prorsus fides tam in Judicio, quam extra illud, ubique locorum habeatur, quæ eisdem præsentibus haberetur, si forent exhibita, vel ostendit.

Datum Roma apud Sanctum Petrum sub Anulo Piscatoris die VI. Decembbris MDCCXXIX. Pontificatus Nostri Anno Sexto.

Fides ha- benda tran- sumptis.

CCXXVIII.

Prohibetur Fratribus Ordinis S. Joannis Dei procurare, vel admittere favores extra eumdem Ordinem pro consecutione Dignitatum, & officiorum &c.

Alia hujus Const. ed. 1725. Sept. 7. P. 2. nonnulla statuta fuerunt pro bono ejusdem Ordinis regimine, & Clem. XII. Const. ed. 1732. Oct. 1. P. 3. revocantur nonnulla privilegia personalia iisdem Fratribus alias concessa.

BENEDICTUS PAPA XIII.

Dat. 12. Dec.
1729. An. 6.

Ad futuram rei memoriam.

S. 1. Exponi Nobis nuper fecit dilectus filius Prior Generalis Fratrum Ordinis S. Joannis Dei, quod licet tam per ejusdem Ordinis, Apostolicasque Constitutiones, quam per alias nostras in simili forma Brevis pro bono ipsius Ordinis regimine die 17. Septemb. 1725. expeditas literas Fratribus prædictis quoscumque extra eundem ordinem favores pro Dignitatibus, & Officiis in eo asequendis procurare, vel admittere sub gravissimis etiam excommunicationis lata sententiæ penitentia prohibitum fuerit, hilominus ipse Prior Generalis veretur, ne occasione proximi Capituli generalis ejusdem Ordinis aliqui ex dictis fratribus æternæ sua salutis immemores, ac cæca ambitione honorumque cupiditate obrepti ad eiusmodi veritos favores recurrere præsumant, unde libertas prædicti capituli Generalis, ac religiosa ipsius ordinis tranquillitas, providumque gubernium non mediocre acciperet detrimentum. Quare dictus Prior Generalis Nobis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

S. 2. Nos igitur ipsius Prioris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & penitentia a Jure, vel ab homine quavis occasione, vel causa latet, si quibus quomodo libet innodus existit, ad effectum præsentium dimittaxat consequendum harum serie absolventes, & absolutum fore censentes, hujusmodi supplicationibus inclinati, omnibus, & singulis dicti Ordinis Fratribus nunc, & pro tempore existentibus, ne occasione proximi, seu alterius deinceps celebrandi Capituli generalis, ejusdem Ordinis, electionumque in eo faciendarum, favores, preces, vel commendationes extra ordinem præfatum pro consecutione aliquius Dignitatis, seu Officii quoque modo procurare, deferre, vel recipere, & admittere audeant, seu præsumant sub pena privationis vocis activæ, & passivæ necnon voti, five suffragii, quod in eodem Capitulo Generali habent, eo ipso absque alia declaratione per contravenientes incurnda prater, & ultra alias

Expositio facti, & cau se ad hanc Constitutio nem edendam.

Prohibitio prædicta.

penas aduersus similia perpetrantes in memoratis Ordinis, & Apostolicis Constitutionibus, nostrisque literis contentas, & expressas, quas salvas, & firmas esse volumus, auctoritate Apostolica harum serie prohibemus, & interdicimus. Dantes Definitorio ejusdem Capituli generalis plenam, ac liberam facultatem excludendi ab ejusmodi voto, sive suffragio in ipso Capitulo Generali ferendo quotquot hanc nostram prohibitionem quomodolibet transgressos fuisse compererit.

Clausulae.

S. 3. Ac decernentes easdem praesentes literas semper firmas, validas, & efficaces existere, & fore, suoque plenarios, & integros effectus fortiri, & obtinere, ac illis, ad quos spectat, & pro tempore quandocumque spectabit, inviolabiliter observari, sive in præmissis per quoscumque Judices ordinarios, & Delegatos, etiam caufarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus Apostolicis, nec non quatenus opus sit dicti Ordinis, etiam Juramento, confirmatione Apostolica, aut quavis firmitate alia robora statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro pleine, & sufficiente expressis, ac de verbo ad verbum insertis habentes, illis alias in suo labore permanens, ad præmissorum effectum hacie dumtaxat specialiter, & expesse derogamus, ceterisque contrariai quibuscumque.

Datum Romæ apud S. Petrum sub annulo Piscatoris die XII. Decembris MDCCXXIX. Pontificatus nostri anno Sexto.

CCXXIX.

Declarantur nulla Edicta, aliaque gesta per Magistratus, seu Officiales, & Ministros seculares aduersus Decretum extensionis S. Gregorii Papa VII. ad universos Christifideles, qui ad horas Canonicas tenentur a SS. D. N. Benedicto XIII. nuper editum, cum illorum omnium revocatione, cassatione, & abolitione.

Alias hujus Conf. ed. 1729. Dec. 6. P. 6. revocate fuerunt & annullatae quedam ordinationes super eadem re Episcopi Montispezzulani.

Dat. 19. Dec.
1729. An. 6.

Nonnulla Edicta a Ministeris facultariis aduersus prædictum Decretum emanata narrantur.

BENEDICTUS PAPA XIII.

Ad perpetuam rei memoriam.

S. 1. CUM ad aures nostras pervenerit, non nullos Magistratus, seu Officiales, & Ministros seculares quibusdam Edictis, Decretis, Senatusconsultis, Praeceptis, Mandatis, aut id genus, aliae quoquam nomine nuncupatis ordinationibus, seu Provisionibus aduersus decretum extensionis ad universos Christifideles, qui ad horas canonicas tenentur, officii S. Gregorii Papa VII. quod prius ex Indultis fe. re. Pauli V. Clementis X., Alexandri VIII. & Clementis XI. Romanorum Pontificum Praedecessorum nostrorum in pluribus jam Christiani Orbis Ecclesiæ passim recitatatur, atque publice, & solemniter celebrabatur, a Nobis ad augendum cultum S. Pontificis & Confessoris, qui in extirpandis erroribus, Ecclesiastica disciplina restituenda, & instauranda, corruptisque moribus reformandis strenue, ac indefessè elaboravit, novissime editum, infurressisse.

S. 2. Hinc est, quod nos ex debito Pastoralis

officii, quod humilitati nostræ, meritis licet, & viribus longe impari, commisit divina dignatio, nostram, & Ecclesiastica auctoritatem perniciose hujusmodi laicorum conatus illeam, & illibatam tueri, & conservare volentes, neconon omnium, & singulorum, quæ in præmissis, seu eorum occasione quovis modo, acta, & gesta fuerunt, seriem, aliave quæcumque etiam specificam, & individuam mentionem, & expressionem requirentia, præsentibus pro plene, & sufficiente expressis, & exacte specificatis habentes, de quamplurium venerabilium fratrum nostrorum S. R. E. Cardinalium consilio, Edicta, Decreta, Senatusconsulta, Praecepta, mandata, & quævis alias quocumque nomine nuncupatas ordinationes, sive provisiones per Magistratus, etiam supremos, seu officiales, & Ministros Seculares aut alias a quæcumque laicali potestate, ejusque nomine aduersus Decretum extensionis Officii ejusdem S. Gregorii Papa VII. per Nos sicut præmittitur, editum quomodocumque, & ubicumque, promulgata, & promulgata, ac quævis alia in præmissis, seu eorum occasione quomodolibet acta, gesta, & ordinata, cum omnibus, & singulis inde secutis, & forsan quandocumque fecuturis penitus, & omnino nulla, inania, invalida, irrita, & de facto præsumpta, nulliusque prorsus roboris, & momenti esse, & perpetuo fore, Apostolica auctoritate tenore præsentum declaramus.

S. 3. Et nihilominus ad majorem cautelam, & quatenus opus sit, illa omnia, & singula harum serie itidem perpetuo revocamus, cassamus, irritamus, annullamus, & abolemus, viribusque, & effectu penitus, & omnino vacuam, ac pro revocatis, cassatis, irritis, nullis, invalidis, & abolitis, viribusque, & effectu penitus, & omnino vacuis semper haberi volumus: sive & non aliter in præmissis per quoscumque Judices ordinarios, & delegatos, etiam caufarum Palatii Apostolici Auditores, ac S. R. E. præfatae Cardinales, etiam de Latere Legatos, aliquo quilibet quacumque præminentia, & potestate fugentes, & funeros, sublata eis, & eorum cuiilibet quavis alteri judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari, decernimus, in contrarium facientibus non obstantibus quibuscumque.

S. 4. Ut autem eadem praesentes literæ ad omnium notitiam facilius deveniant, nec quicquam illarum ignorantium allegare possit, volumus, ac pariter decernimus, ut illæ ad valvas Basiliæ Principis Apostolorum, ac Cancelleriæ Apostolice, curiæ generalis in Monte Citorio, & in Aie Campi Flora de Urbe per aliquem ex Cursoribus nostris, ut moris est publicentur, illarumque exempla ibidem affixa relinquantur, & sic publicate omnes, & singulos, quos concernunt perinde affiant, ac si unicuique illorum personaliter notificata, & intimata fuissent.

S. 5. Utque ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constituta munitis, eadem prorsus fides tam in Iudicio, quam extra illud, ubique locorum habeatur, quæ eisdem præsentibus haberetur, si fovent exhibita, vel ostensæ.

Datum Romæ apud S. Petrum sub Annulo Piscatoris die XIX. Decemb. MDCCXXIX. Pontificatus nostri anno Sexto.

Indicitur

Declaratio
nullitatis
prædictorum

Abolito, &
revocato
rum

Mandatum
publicatio
harum Lico-
rum.

Fides haben-
da transum-
tis.